



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCCX. ad annum MLXXIII.

**Parisiis, 1644**

Praefatio.

**urn:nbn:de:hbz:466:1-15625**

est, vt recitaretur capitulum XIX. Carthaginensis Concilii de accusato & accusatore. Quo recitato, iudicatum est secundum definitionem ipsius capituli, vt Artaldo præfule retinente communionem & parochiam Rhemensem, Hugo, qui ad duas Synodos euocatus venire contempserat, a communionem & regimine Rhemensis episcopii abstineret, donec ad vniuersalem Synodum, quæ indicebatur Kalendis Augusti, se purgaturus occurreret. Ipsumque capitulum mox in charta describi fecerunt episcopi coram se, subnectentes hanc etiam definitionem suam, & eidem Hugoni miserunt. Qui post alteram diem eandem chartam Rotberto præfule remisit, hoc verbis remandans, quod ipsorum iudicio nequaquam obediturus esset.

## CONCILIVM ENGILENHEIMENSE,

IN QVO ARTALDO SEDES RHEMENSIS restituta, Hugo comes Ludouico regi perduellis excommunicatus est, præfidente Marino sedis apostolicæ legato celebratum indictione VI. septimo Idus Iunias, anno Christi DCCCXLVIII. Agapeti II. papæ anno II. Ludouici eiusdem transmarini regis, qui Concilio aderat, anno XIII.

### TITVLI CANONVM.

- |  |  |
|--|--|
| I. Hugo comes, qui Ludouici regnum infestabat, excommunicatus.                     | V. Vt laici presbyteros non vexent.                                    |
| II. Artaldo sedes Rhemensis restituta: Hugoni, qui eam usurpabat, anathema dictum. | VI. Quot diebus feriandum sit in pascha & pentecoste.                  |
| III. Hugo idem comes ob episcopum Laudunensem sede sua eiectum excommunicatus.     | VII. Vt in litania maiore ieiunetur.                                   |
| IV. Vt laici sine licentia episcopi ecclesias non dent, nec auferant.              | VIII. Vt oblationes altaris a laicis non attingantur.                  |
|  | IX. Vt decimarum cause non apud saculares, sed in Synodo discutiantur. |
|  | X. De incestis nuptiis.  |

### PRÆFATIO.

**I**N nomine sanctæ & indiuiduæ Trinitatis. Anno ab incarnatione Domini DCCCXLVIII. indictione VI. VII. Idus Iunias,



ANNO  
CHRISTI  
948.

Iunias, anno serenissimi regis Ottonis XIII. ipso quoque cum illustrissimo rege Ludouico in praesentia manente, sancta ac generalis Synodus apud Engilenheim, in ecclesia sancti Remigii confessoris Christi, in pago Nagauui dicto collecta est, praesidente videlicet domni Agapeti papae apocriuario, venerabili Polimartienensis ecclesiae episcopo, Marino, & confidentibus archiepiscopis, Vvicfredo sanctae Colonienensis ecclesiae archiepiscopo, Friderico sanctae Moguntinae sedis archiepiscopo, Rotberto sanctae Treuerensis ecclesiae archiepiscopo, Artaldo sanctae Rheimensis ecclesiae episcopo, Adalgago sanctae Hammaburgensis ecclesiae archiepiscopo, Richauone Vangionensis ecclesiae episcopo, Geroldo Iuuanensis ecclesiae episcopo, Vdalrico Augustensis ecclesiae episcopo, Bernardo Halberstatensis ecclesiae episcopo, Theodardo Hildinesheimensis ecclesiae episcopo, Dudone Padeburnensis ecclesiae episcopo, Conrado Constantiensis ecclesiae episcopo, Starcando Eistetenensis ecclesiae episcopo, Reginbaldo Nementensis ecclesiae episcopo, Poppone Vvirciburgensis ecclesiae episcopo, Adalberone Metensis ecclesiae episcopo, Gollino Tullensis ecclesiae episcopo, Berengero Virdunensis ecclesiae episcopo, Balderico Traiectensis ecclesiae episcopo, Vvichardo Basileensis ecclesiae episcopo, Dodone Osnaburgensis ecclesiae episcopo, Eboriso Mimidonensis ecclesiae episcopo, Hildiboldo Mimigardeurdenensis ecclesiae episcopo, Faraberto Tungrensis ecclesiae episcopo, Fulberto Cameracensis ecclesiae episcopo, Rudolfo Lugdunensis ecclesiae episcopo, Michaele Ratisbonensis ecclesiae episcopo, Adalberto Laureacensis ecclesiae episcopo, Liopdago Ripuensis ecclesiae episcopo, Oredo Sueuicensis ecclesiae episcopo, Reginbrando Arufuensis ecclesiae episcopo, cum coetu abbatum, canonicorum, nec non & monachorum, vnus spiritus amore feruentium, quatenus caelitus adminiculati, zizania diuini cultus agro ab inimica manu superstita canonicarum sarculis sententiarum radicitus extirparentur.

Igitur recitato primitus euangelio, oramineque finito, & sanctorum Canonum quamplurimis institutionibus linguarum clauibus coram reclusis, missus apostolicae sedis chartam suae legationis honorifice protulit, in qua pro

Concil. Tom. 25.

K



debita reuerentia dono Romano pontifici exhibendo commoniti sunt, vt vniuersalis ecclesie puppis exoptata tranquillitatis portui secura succedat, seque procelloso tribulationum turbine vexari diutius non timeat. Significatum est autem in eiusdem recitamine sententia, predictum presulem Marinum ab ipso vniuersali papa tali tenore ad nostros fines directum fuisse, quo in omni ecclesiasticarum legum discussione ipsius existens vicarius, quaecumque liganda essent apostolica auctoritate ligaret, & quae soluenda viderentur parili solueret potestate. Huiusmodi procul dubio affaminis tam salubri missatico gloriosissimi reges praefati, cum pontificibus, omnique clero, congratulantes, vt dignum fuit, se in omnibus consentire & obedire professi sunt. A quibus, auctorante & confirmante legato apostolico, capitula subsequencia statuta sunt. Dehinc ex sessionis suae loco se subrigens inclytus rex Ludouicus, ad praesentiam serenissimi regis Ottonis, totiusque sanctissimi Concilii vnanimitatem, satis lacrymosi conquestus protulit querimoniam: videlicet quod regia priuaretur potestate a quodam principe Hugone nominato, quondamque sibi subiecto. Cuius anxietati & multimodae reclamacioni condolentes in vnitae spiritus coadunati sanctissimi patres, eiusmodi super hac re sententiam protulere:

## C A N O N E S.

I.

Concilium  
Tolet. IV.  
Can. 75.

**N**VLLVS deinceps regiam potestatem praesumat populari, seu aliquam perfidiae maculam sibi fallaciter exhibere. Decreuimus enim, Toletani Concilii iudicium exequendo, Hugonem regis Ludouici regni inuasorem & raptorem excommunicationis gladio feriendum, nisi forte tempore statuto ad synodale Concilium veniat, & a tam nefaria proteruitate satisfaciendo resipiscat.

II.

Artaldus Rhemensis ecclesiae archiepiscopus